

ÅRSMELDING

VALLE OG HYLESTAD

SOKNERÅD 2023



Valle og Hylestad diakonipris 2023

Astrid Nomeland fekk Valle og Hylestad sokneråd sin diakonipris 2023. Det er første gong denne prisen er utdelt. Astrid var med i Valle og Hylestad sokneråd frå 1993 til 2019 – 26 år. Dei siste 8 åra var ho leiar i rådet. Ho har vore leiar i Diakoniutvalet frå 2002 og leiar i styret for diakonisamarbeidet for Otredal prosti frå 2002 til 2013.

Astrid har og vore representant for Valle og Hylestad sokneråd i «Kirkens SOS» i mange år.

Organisering av kyrkja

Over 80 % av Valle kommune sine innbyggjarar er medlem i Den norske kyrkja. Valle og Hylestad sokn er eiga, juridisk eining, soknerådet er øvste organ. Soknerådet har i 2023 seks valde medlemer, sokneprest, og kommunen sin representant.

Kommunen sin representant er til stades for å vere bindeledd mellom soknerådet og kommunen, og skal i utgangspunktet vere til stades når soknerådet handsamar saker av fellesrådskarakter (økonomi, bygningar, kyrkjegard, personale). Kyrkjesjefen er sakshandsamar og sekretær for soknerådet, med tale- og forslagsrett. Kyrkjesjefen har det administrative ansvaret for den daglege drifta, og utfører arbeidet saman med andre kyrkjeleg tilsette og friviljuge

ARBEIDET I SOKNERÅDET

Soknerådet sine primær oppgåver er nedfelte i §9 i kyrkjelova:

- Menighetsrådet skal ha sin oppmerksomhet henvendt til alt som kan gjøres for å vekke og nære det kristelige liv i soknet, særlig at Guds ord kan bli rikelig forkynnt, syke og døende betjent med det, døpte gis dåpsopplæring, barn og unge samlet om gode formål og legemlig og åndelig nød avhjulpet.
- Menighetsrådet har ansvar for at kirkelig undervisning, kirkemusikk og diakoni innarbeides og utvikles i soknet.
- Menighetsrådet avgjør om det skal tas opp offer eller foretas innsamling i kirken og forvalter de midler som blir samlet inn, bevilget eller gitt som gave til kristelig virksomhet i soknet,

Medlemer i soknerådet fram til valet i 2023

Leiar: Lisbeth Dalquist Homme

Nestleiar: Siri Irene Melhus

Gudrun Sagneskar. Nestleiar frå 1.1.2022

Bente Bjørgum

Liv Bjørgum Ryningen

Knut Olav Uppstad

1. Vara: Ellen Jansen

2. Vara: Sissel Åkre

3. Vara: Birgit flaten

4. Vara: Aase Holen

5. Vara: Pål Dale

Medlem frå Valle kommune: Knut Hagen

Vara: Liv Tanche Larsen

Medlemer i soknerådet etter valet i 2023

Leiar og sokneprest: Toralv Frøysaa Lie

Nestleiar: Gudrun Sagneskar

Kristine Kleiveland

Liv Gunn Viki

Knut Olav Uppstad

Arne Trondsen

Torstein Bjørgum, medlem i arbeidsutvalet

1. Vara Margit Homme

2. Vara Torleif Harstad

3. Vara Karin Bøe

4. Vara Olav Brokka

Utval og nemnder

Utval	Medlemer
Arbeidsutval	Lisbeth D. Homme Siri Irene Melhus Gunnar Ellingsen Sissa Ringstad
Arbeidsutval frå hausten 2023	Gudrun Sagneskar Torstein Bjørgum Toralv Frøysaa Lie Gudrun Åkre
Trusopplæringsutval	Siri Melhus Lisbeth H. Homme Tone Å. Rysstad Bjørgulg T. Berg Sissa Ringstad
Trusopplæringsval frå hausten 2023	Kristine Kleiveland Lisbeth H. Homme Margit Homme Gudrun Sagneskar Sissa Ringstad
Diakoniutval Sjå vedlegg til årsmeldinga	Astrid Nomeland Karin Bøe Knut Olav Uppstad Per Emanuelsen
Diakoniutval frå hausten 2023	Astrid Nomeland Knut Olav Uppstad Åse Gudrun Thortveit
Gudstenesteutval Nytt i 2023 Felles med Bykle	Tone Rysstad Lisbeth D. Homme Bjørg Sissel Tveiten Ann Margreth Bjåen Toralv Frøysaa Lie

Arbeidsutval:

Leiar i soknerådet, nestleiar, sokneprest og kyrkjesjef utgjer arbeidsutvalet. Etter valet i 2023 vart soknepresten vald til leiar difor har utvalet ein ekstra representant frå soknerådet. Utvalet har møte om lag fjorten dagar i forkant av soknerådsmøte.

Diakoniutval

Sjå vedlegg: årsmelding for diakoniutvalet i Valle og Hylestad

FELLESRÅDSARBEID

Tilsette og personalansvar:

Soknerådet hadde ved inngangen til 2023 arbeidsgjevaransvaret for om lag 2 årsverk fordelt på 5 tilsette. Soknepresten er tilsett av Otredal prosti.

Namn	Stilling	Stillingsstorleik	Kommentar
Toralv Frøysaa Lie	Sokneprest	100 %	Valle og Bykle
Gudrun Åkre	Kyrkjesjef	100 %	Valle og Hylestad
Sissa Ringstad	Rådgjevar	40 %	Valle og Hylestad
Gunveig Kaarvann	Kyrkjetenar	25 %	Valle og Hylestad
Inger P. Rysstad	Reinhaldar	16 %	Valle
Astrid Nomeland	Reinhaldar	10 %	Hylestad

Organist Stillinga som organist/kyrkjemusikar er vakant. Valle og Hylestad sokneråd kjøper tenestser av Knut Olav Uppstad.

Prostidiakon – samarbeid mellom Valle og Hylestad, Bykle og Bygland

Prostidiakonstillinga er eit samarbeid mellom Bygland, Valle og Bykle. Bygland har arbeidsansvaret for prostidiakonen.

Per Emanuelsen slutta i stillinga sommaren 2023. Det er eit framifrå arbeid Per har lagt ned som diakon i soknet/kommunen vår gjennom fleire år.

Åse Gudrun Thortveit frå Iveland tok over jobben etter ferien 2023. Etter eit par turar med opplæring av gamlediakonen starta ho for fullt i jobben. Vi er takksame for i diakonitenesta i Valle og Hylestad og takksame for at Åse Gudrun er vår nye prostidiakon.

Kyrkjetenar. Takk til Gunveig Kaarvann som vil gjere teneste som kyrkjetenar og klokkar i Valle og Hylestad kyrkje.

Stabsmøte:

Dei tilsette har hatt jamlege stabsmøte. Ettersom både prest og prostidiakon jobbar i både Valle og Bykle, og det er få tilsette totalt, er stabsmøta felles for Bykle og Valle. Møte er annankvar gong i Bykle og Valle. Kyrkjesjefen i Valle skriv innkalling og Kyrkjeverje i Bykle leiar og skriv referat. Det er venta at kyrkjetenar møter på dei møta som er i sin kommune elles vel tilsette i små stillingar sjølve om dei vil møte.

Gudstenester:

Kvar år vert det fylt ut kyrkjeleg statistikk for året som gjekk, den er med å danne grunnlag for nasjonale statistikkar. Generelt kan det seiast om Valle og Hylestad at dei kyrkjelege handlingane som dåp, konfirmasjon, vigsler og gravferder ligg på eit stabilt nivå ut frå folkesamusetninga i Kommunen. Utmeldingar og innmeldingar er det få av i løpet av eit år.

Meininga er å halde gudsteneste 1 gong i månaden i kvar kyrkje. Det vil seie annakvar sundag i Valle og Hylestad. Totalt tal deltararar på gudstenester:

2010	2011	2012	2013	2014	2015	2016	2017	2018	2019	2020	2021
2615	2247	2594	2189	2564	2517	2261	2169	2151	1729	798	617
2022	2023										
1439	1095										

I Valle og Hylestad er faste gudstenester og kyrkjelege handlingar gjennomførde:

- Familiegudsteneste (Kyrkjerottene teater i 2023) med utdeling av bøker til 4-åringar og 6åringar.
- Gudsteneste med konfirmantpresentasjon.
- Ljosmesse med konfirmantane.
- Konfirmasjonsgudstenester og samtalegudstenester med konfirmantane.
- Allehelgensmesse med minning av dei døde.
- 17. mai gudsteneste
- Diakonigudsteneste med prostidiakon Åse Gudrun Thortveit.
- Hausttakkefest v. Valle og Hylestad diakoniutval og Jordbruksklubben

Trusopplæring:

Dette vart gjennomført i 2023

Joletrefest

- Invitasjon til Kyrkjerottetater og utdeling av kyrkjebok til 4- og 6 åringar. Minikonfrimant dag i Bykle kyrkje for dei som er 11 og 12 år. Tryllekunstnar Ruben Gazki var med. Alle som deltok fekk Teikneseriebibelen.
- Kyrkjerotte teater
- Fakkeltog 1. laurdag i advent
- Alle frå 6 til 10 år fekk Påskekalender i postkassa.
- Påskevandring v. Valle kyrkje. Løype med forteljing og spørsmål om påska då Jesus døydde. Deltakarane kunne sende inn svar på SMS, og vinne premiar.

Konfirmantfest

Soknerådet organiserte og sponsa konfirmasjonsfesten. Foreldre til neste års konfirmantar gjer det praktiske arbeidet.



Konfirmasjon:

Konfirmantarbeidet er eit viktig satsingsområde for kyrkjelyden.

Soknepresten har ansvar for undervisninga. Kvart år deltek konfirmantane på **KonfACTION**, som er ein konfirmantleir med rundt 1000 deltakarar i Bø i Telemark i regi av KRIK. Leiren er obligatorisk og ein del av konfirmanttida. Soknerådet betaler deltakaravgift for alle konfirmantane. Foreldre er med i den praktiske gjennomføringa.

I tillegg er det samlingar med undervisning spreidd ut over skuleåret.

I 2023 vart konfirmantane og foreldre inviterte til foredrag om livsmeistring med Ruben Gazky i Bykle kyrkje.

Samarbeid med andre/Ungdomsarbeid:

Soknerådet står arbeidet som **Allidrett** driv i Valle. I 2023 var det 9 samlingar i Vallehalli, 10 til 20 ungdomar møter til samlingane. No er Allidrett på fredagar og det er vellukka. Klubben er for dei som går i ungdomsskulen og oppover og er eit godt tilbod for konfirmantane. Primus motor for Allidrett er Ingunn Røysland. Siri Melhus, Torleif Harstad, Ola Aarsland og Kristine Kleiveland er med som frivillige leiarar.

Soknerådet står Allidrett med annonser i Setesdølen.

Solidaritetsarbeid:

Misjonsprosjekt: I 2018 vidareførde soknerådet samarbeidsavtalen med Stefanusalliansen om å stø arbeidet deira i Egypt. Det er hovudsakleg ofringar frå gudstenester som har gått til dette.

Maggie Gobran står bak eit stort arbeid blant koptarar på «søppelfjellet» i Kairo. Det handlar om å gje born og unge hjelp og støtte til utdanning, eit sosialt nettverk og ballast til å klare seg i framtida.

Barnehagar og heimebesøk til fattige familiarar står sentralt i arbeidet – Med seg har Mamma Maggie ein talrik flokk av oppofrande medarbeidarar. Stefanusalliansen sender jamleg informasjon frå prosjektet.

Informasjonsarbeid: Folk blir informert om kva som skjer gjennom heimesida til kyrkja i Bykle, Valle og Hylestad <http://www.Valle.kyrkja.no>. Kyrkja har og eiga «Facebook» side: Kyrkja i Bykle, Valle og Hylestad. Ein brukar annonser i Setesdølen, Bygdenytt, plakatar, og "Kva skjer"-kalenderen på Valle kommune sine heimesider. Elles munnleg informasjon i kunngjeringane i gudstenestene.

Særskilde hendingar i 2023

Utdeling av Valle og Hylestad sokneråd sin diakonipris til Astrid Nomeland.

Astrid Nomeland har vore ein pådrivar for diakoni i Valle og Hylestad sokneråd og Valle kommune. Ho har vore leiar i Vale og Hylestad diakoniutval sia det starta i 2002

Kyrkjer og kyrkjegardar

Kyrkjene

Hylestad kyrkje

Parkeringsplassen v. Hylestad kyrkje vart asfaltera og gangveg frå parkeringsplass til inngangsdøra til kyrkja vart drenera.

Kyrkjegardane

Hausten 2023 vart ein del gamle tre fjerna frå kyrkjegarden i Hylestad.

På Hylestad og Valle kyrkjegard er det nok av ledige graver. På både kyrkjegardane er det ein del ledige graver på den eldste delen av kyrkjegarden. Folk ønskjer i størst mogeleg grad å bruke graver dei allereie festar, eller ledige graver i nærleiken av graver dei festar. Kommunen tek seg av vedlikehaldet på kyrkjegardane.

Soknerådet har oppretta ei arbeidsgruppe som skal jobbe med verneplan for kyrkjegardane i Valle og Hylestad. Dei som er med i arbeidsgruppa er: Alfred Ryning, Knut K. Homme.

Leonard Jansen, Bjørgulf T. Berg og Torbjørn Trydal.

Kyrkestoga

Kyrkestoga har elles vore mykje brukt til bibeltimar og andre kristelege møte. Eit sers godt rom å vere i.

Økonomi

Etter kyrkjelova § 15 får kyrkja det meste av sine midlar frå kommunen. Anna kjem frå staten og eigne inntektskjelder.

Valle og Hylestad sokneråd har eit årleg driftsbudssett på om lag 2,5 millionar. Av dette går om lag 2 millionar til løn og faste utgifter, som straum, forsikring, reparasjoner. 350 000 kr. går til gravferder og kyrkjegardsdrift. Kyrkjelydsarbeid vert stort sett drive av innsamla midlar. Det resterande går stort sett til kyrkjelydsrelaterte aktivitetar, som trusopplæring, gudstenester med meir.

2023- Oppsummert

Året 2023 har hatt sine utfordringar. Kyrkjesjefen fekk hjerneslag i november 2022 og vart sjukmeld. 1. desember starta sokneprest Torlav Frøysaa Lie i Bykle, Valle og Hylestad sokn. Det var utfordrande for presten å starte i tenesta utan nokon å samarbeide med.

Gunvieg Kaarvann og Bjørgulf T. Berg trødde til som medhjelparar til soknepresten. Det vart lyst ut 1 års vikariatstilling som kyrkjesjef. Gudrun Åkre søkte og starta i stillinga 1. september 2023.

Sissa Ringstad starta i 20 % stilling som rådgjevar 10. mai og utvida til 40 % 28. 8. 2023. Kyrkjelyden har feira konfirmantar, gudstenester, tatt avskil med sambygdingar i gravferd. Soknepresten har og jamnlege andaktar på Valle bygdeheim.

. Frå Hastakkefest og konfirmantpresentasjon 2023



Takk

Det er mange som bør takkast for god innsats i kyrkjelyden i 2023. Valle og Hylestad sokn har ein liten stab, og er heilt avhengig av innsats frå friviljuge. Mange har gjort ein god jobb med kyrkjekaffi, som kyrkevertar og anna dugnadsarbeid.

Takk til medlemene i soknerådet for jobben dei har gjort i møte, ulike utval og andre oppgåver.
Takk også for engasjement og innsats frå dei tilsette.

Samarbeidet med Anna Valle kulturskule og Anna Slaby Driel i samband med trusopplæring med meir. Det er utroleg fint!

Soknerådet vil og takke Valle kommune for godt samarbeid. Rådet har ein tenesteytingsavtale med kommunen som dekkjer vedlikehald og arbeid på kyrkjegard.

Særleg vil vi takke alle som møter opp til gudstenester og andre arrangement.

Årsmelding for Diakoniutvalet i Valle og Hylestad 2023

Diakoni handlar om å bry seg, om å møte menneske der dei er. Den utfordrar kvart enkelt menneske til å sjå, høyre og ta på alvor dei som kjem i den einskilde sin veg. Det handlar om å skape naturlege møteplassar med rom for glede, sorg, sinne, handlingslamming, fortviling, bitterheit, skuldkjensle, refleksjon og samtale.

Per Emanuelsen slutta før sommaren. Åse Gudrun Thortveit starta i stillinga som prostidiakon 1. august. Per var saman med ho dei to første arbeidsvekene.

Diakoniutvalet i 2023: Astrid Nomeland (leiari), Knut Olav Uppstad og Per Emanuelsen (prostidiakon).

Utvalsmøte: Diakoniutvalet har hatt 4 utvalsmøte og handsama 7 saker.

Aktivitetane i 2023 har vore redusert på grunn av at kapasiteten vår har vore noko låg, så vi har berre gjennomført følgjande:

- Tilbod om kyrkjekaffi.
- Kyrkjekaffi
- Temakveld om «Kunsten å leve» med Per Emanuelsen, tysdag 11. april i Kyrkjestoga.

Hausttakkefest 24. september vart gjennomført av Diakoniutvalet, Jordbruksklubben, prest, organist og kyrkjetenar.

Diakoniens dag 5. november vart gjennomført av Diakoniutvalet, Åse Gudrun, prest, organist og kyrkjetenar

Utsending til representantskapsmøte i Kirkens SOS i 2023 var Astrid Nomeland.

Økonomi: Valle og Hylestad sokneråd har kyrkjeoffer til diakoniutvalet.

Rysstad 30. jan. 2024

Astrid Nomeland

